

1. U V O D

Predmet istraživanja

Osnovni problem ovog rada možemo definisati sljedećim pitanjima: kako i na koji način se vrši upravljanje bilansom banke i koji je cilj samog upravljanja?

Predmet istraživanja ovog rada je upravljanje bilansom banke, odnosno na koji način izvršiti alokaciju, odnosno donijeti odluku o strukturi aktive i pasive bilansa banke, u cilju maksimiziranja profita, odnosno ostvarenja kapitalne dobiti. Integrisani način upravljanja aktivom i pasivom i akcijskim kapitalom je bitna suština koncepta upravljanja aktivom i pasivom bilansa banke, obzirom da banka ne ostvaruje profit i kapitalni dobitak samo po osnovu zajmova i investicija, već i pružanjem različitih finansijskih usluga (kreditni, štednja, usluge platnog prometa i sl.). Da bi se što bliže približili samom predmetu istraživanja, kroz ovaj rad su objašnjene i osnovne, polazne informacije i sama struktura osnovnih finansijskih izvještaja u bankama.

Cilj istraživanja

Cilj istraživanja je da ovaj rad pokaže način na koji bi banke trebale da izvrše alokaciju, odnosno da kroz upravljanje aktivom i pasivom pokažu kakva bi trebala biti struktura sredstava i izvora sredstava u bilansu banke kako bi se postigli ciljevi menadžmenta, prije svega maksimiziranje profita i ostvarenje kapitalne dobiti.

Hipoteza

Hipoteza koja se nastoji kroz ovaj rad dokazati i od koje polazimo jeste: da menadžment banke može kroz efikasno upravljanje aktivom i pasivom, odnosno donošenjem odluka o strukturi istih može postići maksimiziranje profita što se vidi i na primjeru bankarskog sektora Republike Srpske, koji uprkos finansijskoj krizi ima stalnu tendenciju rasta. Metodom upoređivanja prikazano je stanje bankarskog sektora Republike Srpske u 2014. godini u odnosu na 2013. godinu.

Struktura rada

Kako bi na što bolji način približili i prikazali način upravljanja aktivom i pasivom banke, ovaj rad je strukturiran u četiri cjeline: u uvodu dati su predmet, cilj i hipoteza rada, koji će nas uvesti u samu tematiku rada i dati osnovne smjernice i sadržinu rada.

U drugom dijelu ovog rada detaljno su objašnjeni i definisani osnovni finansijski izvještaji u banci (bilans stanja, bilans uspjeha, izvještaj o tokovima gotovine, izvještaj o promjenama na kapitalu i napomene uz finansijske izvještaje), a takođe je dato detaljno objašnjenje svih stavki bilansa stanja banke.

Treća cjelina rada ulazi u srž upravljanja bilansom banke i na detaljan način opisuje samo upravljanje i metode upravljanja. U okviru ove cjeline definisan je i ALM koncept upravljanja aktivom i pasivom kao jedan od novijih pristupa upravljanja aktivom i pasivom. Treća cjelina pažnju je posvetila i politici upravljanja aktivom i pasivom, kao i organima za upravljanje bilansom banke.

Četvrta i posljednja cjelina ovog rada usmjerena je na bankarski sektor Republike Srpske i kroz tabelarane prikaze nam prikazuje strukturu kreditnih plasmana, kapitala i obaveza, kao osnovnih stavki aktive i pasive.